

Teknologi Hijau Di Melaka Bandaraya Bersejarah

MELAKA, 28 MAC 2012 – Negeri Melaka merupakan satu-satunya negeri yang mengamalkan konsep berasaskan Teknologi Hijau. Baru-baru ini negeri Melaka telah mengadakan satu seminar di bawah anjuran Jabatan Ketua Menteri Melaka melalui Bahagian Penyelidikan Pembangunan (R&D) dengan kerjasama Politeknik Merlimau, Melaka dan Institut Pengurusan dan Integriti Negeri Melaka yang bertemakan Teknologi Hijau Diimplementasi Genarasi Lestari.

Seminar berlangsung di Hang Tuah World Heritage Hotel selama satu (1) hari. Menyedari kepentingan dan kepakaran berkaitan Teknologi Hijau “Selari dengan seruan Perdana Menteri, negeri Melaka merupakan Bandar Berteknologi Hijau” kata Ketua Menteri Melaka. CETREE dijemput menyertai seminar dengan mengadakan ceramah yang bertajuk Keselamatan Tenaga dan Air dan terlibat secara langsung untuk mengadakan pameran bergerak dengan menyampaikan maklumat dari segi eksperimen hand-on ke Melaka, Bandaraya Bersejarah. Seminar ini bertujuan untuk meneroka inovasi, potensi dan impak kepada negara bagi mengurangkan kadar peningkatan penggunaan tenaga dalam merealisasikan daya saing pembangunan Teknologi Hijau dan Kecekapan Tenaga di Malaysia pada masa kini. Seminar ini diserikan lagi dengan kehadiran YAB Datuk Seri Hj. Mohd Ali Bin Mohd Rustam, Ketua Menteri Melaka bagi merasmikan seminar yang berlangsung selama sehari.

Antara aktiviti-aktiviti dan agensi-agensi yang terlibat semasa seminar ini berlangsung adalah Pembentangan Kertas Kerja (Rumah Solar, Penerimaan dan Penguasaan Pelajar Jabatan Kejuruteraan Elektrik, Aplikasi Tenaga Diperbaharui pada Kereta Golf Berkuasa Solar, Penumpu Kuasa Solar Dan Prospeknya di Malaysia, Mengoptimumkan Penyerapan Tenaga Menggunakan Penjejak Solar) - Ketua Pegawai Eksekutif (R&D), Penyelenggaraan Penjimatan Tenaga/Solar Photovoltaic Standard in Malaysia - SIRIM Berhad, Retrofitting toward Green Buildings - Universiti Kebangsaan Malaysia, Dasar Teknologi Hijau - Kementerian Tenaga, Air dan Teknologi Hijau (KeTTHA) dan Unit Pameran Bergerak Bas Teknologi Hijau - CETREE, Universiti Sains Malaysia.

CETREE diketuai oleh Pengarah, Profesor Dr. Haslan Abu Hassan dan dibantu oleh sekretariat En. Mohd Nizam Md. Saad, En. Muhammad Akmal Hazan, En. Izzat Noordin, En. Muhamad Zamree Zulkipli dan En. Muhamad Syabil Saad sebagai fasilitator yang membantu memberi penerangan mengenai kiosk-kiosk yang terdapat dalam bas Teknologi Hijau, CETREE.

{backbutton}

Terkini



Pautan

[Polisi Keselamatan & Penafian \(/index.php/ms/penafian\)](/index.php/ms/penafian)

[Peta Laman \(/index.php/ms/peta-laman\)](/index.php/ms/peta-laman)